

KULIAH ZOHOR

“Rahmat Islam Yang Universal”

Masjid Maarof | 10 Julai 2019

Muhammad Haniff Hassan

ismhaniff@ntu.edu.sg / www.haniff.sg

Ayat Al-Quran

وَلَوْلَا دَفَعُ اللَّهُ النَّاسَ بَعْضَهُمْ بِبَعْضٍ لَهَدَّيْتُمْ صَوَامِعُ وَيَبِيعُ
وَصَلَوَاتٍ وَمَسَاجِدُ يُذَكَّرُ فِيهَا اسْمُ اللَّهِ كَثِيرًا وَلَيَنْصُرَنَّ اللَّهُ مَنْ
يَنْصُرُهُ إِنَّ اللَّهَ لَقَوِيٌّ عَزِيزٌ

Terjemahan

“.... Dan sekiranya Allah tiada menolak (keganasan) sebagian manusia dengan sebagian yang lain, tentulah telah dirobohkan biara-biara Nasrani, gereja-gereja, rumah-rumah ibadah orang Yahudi dan mesjid-mesjid, yang di dalamnya banyak disebut nama Allah. Sesungguhnya Allah pasti menolong orang yang menolong (agama) -Nya. Sesungguhnya Allah benar-benar Maha Kuat lagi Maha Perkasa.” (Al-Haj: 40)

Pengajaran

1. Sebahagian dari aturan alam ini
 - Allah akan bangkitkan sekelompok manusia bagi menolak keganasan dan kezaliman manusia yang lain
2. Umat Islam diajar bukan hanya untuk membela sesama umat Islam
 - bela juga umat dari agama lain jika mereka dizalimi kerana Allah halang biara, gereja, rumah ibadat Yahudi bersama dengan masjid dari dimusnahkan secara zalim

3. Jika ada penganut agama lain dizalimi dan ditindas, umat Islam lebih utama untuk bela mereka, bersuara untuk mereka dan membebaskan mereka dari kezaliman itu
4. Para sahabat maju ke segenap ceruk negeri Rum dan Parsi, bagi membebaskan rakyat dari kezaliman pemerintah
5. Allah taala bukan hanya akan membantu kita dalam membela agama Islam, tetapi juga agama lain yang ditindas, kerana membela penganut agama lain dari penindasan itu sebahagian dari ajaran Islam

6. Walau pun tidak sependapat dengan akidah agama lain, Islam menghormati kehidupan beragama penganut lain

7. Apabila Islam menganjurkan rumah ibadat dipelihara dari dimusnahkan, menunjukkan bahawa rumah ibadat dan hidup beragama mempunyai peranan yang positif dalam kehidupan manusia serta sosial
 - mereka yang beragama dengan erti yang sebenar dan jujur lebih baik dari tidak beragama

8. Jika ada bukan Muslim bangkit menentang kezaliman, wajar Muslim bersama dalam melawan kezaliman

9. Contoh
 - sekelompok penganut Kristian Katolik dizalimi oleh penganut ajaran Kristian dari mazhab lain
 - diputuskan oleh PBB agar dikirim pasukan pengaman bagi menghentikan pertikaian dan kezaliman
 - jika benar terbukti, wajar negara Islam terlibat sebagai sebahagian dari pasukan berkenaan walau pun ia diketuai oleh ketua yang bukan Islam

KULIAH ZOHOR

“Wajib Hormat Keyakinan Orang Lain”

Masjid Maarof | 10 Julai 2019

Muhammad Haniff Hassan

ismhaniff@ntu.edu.sg / www.haniff.sg

Ayat Al-Quran

وَلَا تَسُبُّوا الَّذِينَ يَدْعُونَ مِنْ دُونِ اللَّهِ فَيَسُبُّوا اللَّهَ عَدْوًا
بِغَيْرِ عِلْمٍ كَذَلِكَ زَيْنًا لِكُلِّ أُمَّةٍ عَمَلُهُمْ ثُمَّ إِلَىٰ رَبِّهِمْ مَرْجِعُهُمْ
فَيُنَبِّئُهُمْ بِمَا كَانُوا يَعْمَلُونَ

Terjemahan

“Dan janganlah kamu memaki sembahhan-sembahan yang mereka sembah selain Allah, kerana nanti (mereka) akan memaki Allah dengan melampaui batas tanpa pengetahuan. Demikianlah Kami jadikan setiap umat menganggap baik pekerjaan mereka. Kemudian kepada Tuhan merekalah, tempat kembali mereka lalu Dia memberitahukan mereka apa yang dahulu mereka kerjakan.” (Al-An`am: 108)

Pengajaran

1. Wajib hormat kepercayaan dan amalan agama lain
 - walau kita meyakini kebenaran agama kita
2. Yakin kebenaran akidah kita, bukan satu alasan untuk perlekeh, persenda dan memainkan Tuhan, amalan atau kepercayaan agama lain
 - mentertawakan kepercayaan Hantu Lapar masyarakat Cina
 - mempersenda rupa bentuk patung sembah agama Hindu

3. Dilarang dan berdosa, kerana
 - langgar tata susila masyarakat umum
 - sebabkan orang lain akan memaki hamun Allah taala dan Islam pula

4. Jika kita tidak suka orang lain mempermainkan agama kita, tidak boleh lakukan pada agama lain

5. Dalam 'inter religious/cultural engagement', tidak perlu berpendapat semua agama adalah sama
 - yang perlu ialah sikap hormat menghormati

6. Asas keharmonian kehidupan beragama dan dialog antara agama bukan terletak pada pengiktirafan terhadap persamaan darjat semua agama
 - pada keupayaan untuk menghormati dan bertoleransi
 - satu akidah, jika tiada sifat hormat pun akan cetus konflik

7. “Demikianlah Kami jadikan setiap umat menganggap baik pekerjaan mereka”
 - bermaksud keyakinan setiap penganut agama bahawa agama mereka adalah benar dari yang lain adalah satu perkara yang wajar dan lumrah
 - tidak perlu merasa marah terhadap orang Kristian yang mengatakan agama Kristian ialah agama sebenar kerana kita juga berkeyakinan sedemikian